



Шочмо эл, порылык да чын верч!

Будь готов!

1-ше (3597) №,
2023 ий 6 январь,
кугарня.



1933 ий 1 февраль годсек лектеш.

Толын унала Мераҥ



Фотом Марий тӱвыра рӱдӱрын архивше гыч налме.

Комдык почса капкадам,
Унала Мераҥ толам.
Тич пиалым конде нам,
Куан ден темем суртдам.

Котомкаште – пӱлекем,
Кажне еглан кучыктем:
Лийза вурс гай капкылан,
Ныжыл, шокшо кумылан.

Шондыкем почаш йодам,
«Визытанлан» пеш поян.
Пӱлеклем шиян потам –
Лийза поро, икоян.


Шияндем мый сур кавам,
Лийже тыныс да яндар.
Кольштса ача-авам,
Лийза патыр, чылт Онар.

Кристина АЛЕКСЕЕВА.

Йошкар-Ола.

Снимкыште: «Падыраш» йоча фольклор ансамбль да вуйлатышыже Э.В.Петрова.

Варвара МИХАЙЛОВАН
сӱретше.
Шернур, Кукнур.



ПОДПИСКЕ

«Ямде лий» газетлан кажне тылзын **15-ше числа марте** верласе связь отделенийште, podpiska.pochta.ru сайтыште возалташ лиеш.

Индекс – П4696.

Тау, Йүштө Кугыза!



Снимкыште Звенигово район Какшамарий школ гыч Дима Дубовым, Елизавета Сорокинам, Марий Турек район Сысоево школ гыч Аня Орловам, Кужэнгер район Йүледүр школ гыч Владимир Мухиным ужыда. Нуно 2022 ийлан шуко сенымашым кондымыжлан, Йүштө Кугызалан пөлекым кучыктымжлан тауштат. Дима тале архитектор лийнеже. Юзо коча, шонымашыжым шижын, конструкторым пөлеклен. Елизаветалан шукертак вучымо коньким конден.

Кодшо ийын Аня марий йылме дене районысо олимпиадыште сенгышыш лектын. Тений республикыште икымше лияш шона. *«Ача-авам таза лийышт, ешыште ласкалык озаланыже. Суртышто ыштышаш паша ятыр уло, машинамат налнена. Тений шонымашна шукталтеш манын йуанем»*, – оила Владимир.

Ўдыр-рвезе-влак сайын тунемаш, эре ончылно лияш товатленыт.

Е.ИВАНОВА

Авторын фотожо.

Рүдоласе пайрем

Йошкар-Олаште эртаралтше марий ёлкыш кок йолташ ўдырем дене миенам. Тыгай сөрал у ий кожым икымше гана ужынам. Ме кож йыр веселан мурен пörдынна. Мыланна тамле пөлекым да конкурсышто кокымшо верым налмылан флешкым кучыктеныт. Онай спектакльым онченна. Оласе чапле пайрем пеш келшен.

Дарья ДОМРАЧЕВА.

Марий Турек, Арбор.



Изи, да туш

Арсентий Андреев (снимкыште) Волжский район Пөтъял школышто 1-ше классыште тунемеш. Пеш сайын лудеш, арун воза, чыла пален налаш тырша, йолташыже-влаклан – пример. Марий Элым Вуйлатышын ёлкышкыжо миен. Моско олаште эртаралтше Кремлёвский ёлкыштат лияш пиал шыргыжалын. Чолга рвезылан У ийыштат ончылно лияш тыланена.

Л.КОШАЕВА.

Российысе увер

«Учитель большой страны» всероссийский конкурс-акциейм увертареныт. Тушко тунькышо, тунемше да ача-авлак ушнен кертыт. Тидлан «ВКонтакте» соцкылысе «Учитель большой страны» мини-приложенияш пурман. Келшыше номинацияым ойырен, йодмашым **30 июнь марте** колтыман.

У ийлан кузе ямдыпалтынат? Кожым моторын сорастренат? Могай кочкышым сорастренат? У ий каникулет кузе эрта? Тидым фотошто ончыкто але видеом войзо да **30 январь марте** колто. Түрыс увер – talantonline.ru сайтыште.

Патриотизм сынан печеламутым сылнын лудаш, шке гыч возаш але произведений почеш сценкым шындаш йоратедат гын, «Пробуждая сердца» всероссийский конкурсшым **16 январь марте** ушныза. Түрыс увер – serdca.pravniki-pobediteley.ru сайтыште.

Марий Элысе увер

«Югорно» регионисо мер организаций «Живое слово» сылнымут фестиваль-конкурсшым увертарен. Шым ияш деч кугурак ийготан ег-влак ушнен кертыт. Марла але рушла возымо почеламутым jugorno@mail.ru адрес дене электрон почтыш **25 февраль марте** колтыман.

13-17 ияш ўдыр-рвезе-влак, «Край родной марийский» краеведений дене шымлыме паша республикысе конкурсшым ушныза. Кок тагас уло: «Летопись родных мест (история народного образования)» да «Школьные музеи». Түрыс увер – rv12.ru сайтыште.

Йошкар-Оласе **80-ше номеран «Ўжара»** йочасадын воспитательже **Юлия Гармаш** Марий Элын чапшышым «Воспитатели России» всероссийский конкурсшым арален. «Успешный воспитатель» тагасыште сенгыше-влак радамыш лектын.

Тунемшын шинчаж дене онча

Умаште Р.А.Богомолван (снимкыште – тунемше-влак дене пырля) лумжӧ радио, телевидений дене чӱккыдын йонгыш, газетлаштат ятыр возышна. 3-шо номеран Советский школышто марий йылмым да ИКН-ым тунуктышо «Марий йылмым эн сайын тунуктышо-2022» республикысе конкурсышто сеген. Марий Элын чапшым «Лучший учитель родного языка и родной литературы» российысе конкурсышто арален. Тудын дене лишкырак палыме лийна.



2023 ий – Педагогын да наставникын идалыкше.

– *Роза Александровна, все-российский конкурсышто мо дене ӧрыктаренда?*

– Мый марий талешке-влак нерген кугешнен каласкаленам. «Шондыкысо тоштер» йӧн дене палдаренам. Тиде шкешотан изи экскурсий. Кажне арверым ужаш, кучаш, южыжым чиенат ончаш лишеш. Тыге йочашамыч мут-влакым писынрак шарнен кодыт. Моло тунуктышо-шамычлан тиде йӧн пеш келшен.

– *Марий йылме дек кумыландаш могай у йӧным кучылтыда?*

– Удыр-рвезе-влак у шӱлышан, кызытсе илышлан келшыше йӧным пеш йӧратат. Икана ик йоча йодеш: «Марий калыкын рӧпше уло мо? Те мурен ончыктен кер-

ты да?»

«Марий калык пеш

уста. Мом ужмыжым, колмыжым почеламут корнылашке пыштен мошта», – манын вашештышым да, ямдылалтде, рӧпым лудаш тӱналым. Моло онай йӧн-влакымат кучылтам.

– *Тунемше веле огыл, тунуктышат тунемлаш. Те шинчымашдам кузе келгемдеда?*

– Ме йоча-влаклан шинчымашым пуэна. Нунат мемнам тунуктат. Тунемше-влак дене «Писатели и поэты Марийского края и Великобритании» сетевой проектым ямдыленна. Йоча-влак серызе-шамычын илыш корныштым шымленят, произведенийыштым шергалыныт. Та-настарымеке, чоныштышт

кугешнымаш кумыл ылыжын. Тыгодым сетевой проект дене пашам ышташ, интернетым кӱлеш семын кучылт мошташ пырля тунемынна. Мастарлыкнам тӱрлӧ конкурсышто ончыктена.


– *Тунуктымо пашаште девизда уло?*

– Йочам умылен моштыман, тудын шинчаж дене ончыман. Икшыве могай, тугайым йӧратыман да пагалыман.

– *Педагогын да наставникын идалыкше деч мом вучеда?*

– Тунуктышо-влак могырыш мелын савырнат да нунылан кугурак тӱткышым ойыраш тӱналыт манын ушанем.

Х.АЛЕКСАНДРОВА мутланен. Фотом школ архив гыч налме.



Фотом школ архив гыч налме.

Куанле лектыш

Кужӧнер школышто марий йылме да литератур, ИКН предметла дене районысо олимпиаде эртаралтын. Мемнан школ гыч лу удыр-рвезе (снимкыште) шинчымашым тергаш миен. Лектыш могай? Пеш сай! Ме Кристина Шапкина дене сенгышыш лектынна. Аделина Савельева, Григорий Веткин ден Виктория Антропова кокымшо лийыныт. Тимур Березин кумшо верыш лектын. Марий йылмым да литературым тунуктышо Л.А.Гришкинлан кугу таум ойлена. А марий йоча-влаклан тыланымашна тыгай лишеш: «Йӧратыза, пагалыза, аралыза шочмо йылмыдам!»

Ксения МАЛИНИНА.

Кужӧнер, Йӱледӱр.

Ава гай ныжыл

Икшывын икымше шомакше – авай. Могай тудо ныжылге, мотор. Ме, школышко кайымеке, шочмо йылмын поянлыкшым шижаш тунемына. «Кӧ шочмо йылмыжым огеш йӧрате, тудо шочмо элжымат огеш пагале», – манит калыкыште. Марий семмастар-влак мектеммурым вазат, поэтшамыч – почеламутым, прозаик-влак – ойлымышым. Мый нунын мурыштым куанен колыштам, книгаштым кугешнен лудам. Кутырашат ом вожыл. Школышто эртаралтше мероприятийлашке чолган ушнем. Кужу ўмыран лий, марий йылмына.

Родион НЕБОГАТИКОВ. У Торъял, Токтарсола.

Юнкор лийнем

«Ямде лий» газетым куанен лудам, Авамат шергалын, йöратен ковам. Шочмо йылме дене тёрлö вер гычат Возкалат йоча-влак, журналист-влакат. Тёрлö сай уверым мочол лудына, Туштылан вашмутым пеш кычалына. Таум тыланет мый, «Ямде лий», ойлем, Тале юнкорет мый шукертсек лийнем. **София КНЯЗЕВА.** **Йошкар-Оласе 9-ше номеран школ.**

Меранг-влак йоча-шамычлан у ий пöлекым ямдыленят. Кажне коробкеш 150 грамм «Шудыран йуд» да 300 грамм «Изи маскаиге» кампетке-влакым пыштеныт. «Шудыран йуд» кок яшлык лийын, «Изи маскаиге» – визыт. Кажныже лу килограммым шупшыш. Меранг-шамыч мьняр коробка пöлекым погеныт?

Задаче

Морко посёлкысо 1-ше номеран йочасадыш коштшо Аделина Эргубаева (снимкыште) изи гынат, кидпашам ышташ пеш йöрата. Тёрлö поделкым ямдылен, конкурслаш ушна. Мастарлыкым вяндаш воспитательже И.В.Алексеева полша. Республикысе марий тувыра рüдерын эртарыме «У ий дене!» этнооткрытке конкурсышто сеныше радмыш лектын.

Е.ИВАНОВАН фотожо.

Марий калыкын ожнысекше кечышотшо лийын. Кажне ий тёрлö янлык, кайык, копшанге лум дене палемдалтеш.

Марла календарь почеш, 2023 ий –

Кудырын идалыкше.

Тудо волгыдылыкым, чолгыжмашым, сенымашым сора. Кудыр – ушан, чытышан,

1933 – 2023 Ямде лий 90

У КОНКУРС

«Пайремет дене, «Ямде лий» конкурсым увертарена. Тушко йолташ, пырля тунемме удыр-рвезе-шамыч дене тўшкан ушныман. «Ямде лийым» 90 ияш лумгечыж дене саламлыме видеороликым войзыман. Конкурсыш Татарстан, Башкортостан республиклаште, Одо, Свердловск кундемлаште да моло вереат илыше йоча-влак ушнен кертыт. Пашам yamde_lii@mail.ru адрес дене **25 январь марте** электрон почтыш колтыман. Сеныше-шамычлан – чапле пöлек, кажне участниклан – сертификат.

«Йўштö Кугызалан серыш» республикысе конкурсышто сеныше паша.

Ачайым, изайым пöртылтö

Салам лийже, Йўштö Кугызай! Мый ялысе тыглай рвезе улам. Моло йоча семынак телым чон вургыж вученам. Тудо могай сöрал пагыт! Йырым-йыр шийла йылгыжеш, юзо тўняшке логалметла чучеш. Ече, издер дене мунчалташ, лум моклакам ыштен поктыл модаш лиеш.

Туге гынат чонышто тургыжланымаш уло. Салтакна-влак тыныс илышым йўдшö-кечыже аралат. Йўштö Кугызай, иктым веле йодал: ачана, изана-влакым мöнгö вашкерак пöртылтö. Тыланетат пенгыде тазалыкым тыланем. Юзо виет тушиманым чактарен кертеш манын йуанем. Кажнылан куаным да пиалым пöлекле. Тау, чеверын, Йўштö Кугызай!

Ярослав ГАВРИЛОВ.

Морко, Шүргыял.

Мöнгыштö сайрак

Эртыше ий сай шарнымашым коден. Акам дене Сочи олесе «Юность» санаторийыште каненна, тазалыкнам пенгыдемденна. Марий Эл гыч лу йочалан тыгай йон пуалтын. Жапым веселан да пайдалын эртаренна. Тёрлö кино, концертым онченна, дискотеке лийын. Шем теңызым икымше гана ужынам. Тудо лопка, кумда, мучашдымыла чучын. Экскурсийлашке коштынна. У йолташ-влакым муынна. Сочиште келшен, но мöнгыштö сайрак.

Анна МИХАЙЛОВА.

Волжский, Кугу Корамас.



Х.АЛЕКСАНДРОВАН фотожо.

мунло, йöным муын моштышо кайык. Тудым йомакыште, калыкмутышто сай персонаж семын ончыктат. Кудыр чодыраште, степыште ила. Вуд воктене верланыше куэрлам, вондеран верлам йöрата. Пўсö шинчан да писе пылышан. Кайык-влак тўшка дене илат. Кашакыште кокшудö наре лийыт. Мландымбалне кош-

таш йöратат. Телым, пычкемышалтмешке, пушенгыште шинчат. Румбалгымеке, луммышто рожым ыштен малаш пурат. Осалым шижмеке, вашла йўкым пуэн шижтарат. Ик шагатыште 100 километр марте чонештен кертыт.





Эльвира АЛЕКСЕЕВАН сүретше.

Марий Турек, Сардаял.

Кролик идалык мом сөра!

Кролик – пушкыдо кумылан, шыма, йолташым умылен моштышо янлык.

Идалык порылыкым, умылымашым, еш пиалым сөра. Тудо ласкан, икшырымн эртышаш, но илышыште тўрлө вашталтыш лийын кертеш.

Кеч-могай умылыдымаш вўд йогымо семын куштылгын да писын эртышаш.

Кок йолташ, Мераниге ден Маскаиге, кенеж мучко пырля модын кудальштын. Олык лапыште мөрым, пасушто висвисым погеныт. Тыге кенежат эртен каен, шыже толын шуын! Йошкарге да нарынче лышташ-влак йымалне нуно тумлегым да понгым погеныт. Кок йолташ шижынат шуктен огыл, кузе мландым ош лум леведын. Ик эрдене Мераниге йолташжым йомдарен.

Чодыра тўрыштө Урым вашлиеш.

– Тый Маска йолташемым ужын отыл? Вашке У ий толеш. Кожым сөрастарыман. Тудо ала-кушко лийын, – тургыжлана Мераниге.

– Уке, мый тудым шукертсек ужын омыл, – ваетшта Ур.

Чодыра көргыш кудал пуримеке, Мераниге куэ укшышто шинчыше Ёршым ужеш.



Онай йўла

Шорыкйол пайремым идалык тўнгалтыште пайремлена. Тўрлө ужгам чиен, вуйышко упшым упшалын але шовычым пидын, чурийым петырен, сурт еда коштына. Оза-влак мемнан деч йодыт: «Шурно могай лиеш? Паренге сайын шочеш?» Йўкым огына лук, кид дене ончыктена. Кушталтенат колтена. Мыланна кампетым, мелнам, пўкшым пуат. Тыге арня мучко кошташ лиеш. Тиде пайрем пеш онай.

Эдита АЛЕКСАНДРОВА.

Морко, Арын.


Шыратен ончале кече,
Окнаштемже пуйто пече.
Рушарня ыле тенгече,
Ынде Шорыкйолын кече.
Курык гыч водем мый вик,
Йол гыч ече – йывылдик.
Ох, мардежше вет, калтак,
Лумым пўтыра адак.

«Русская словесность»
кружокын енге-влак.
Волжский, Сотнур.

Чоныштым ырыктат

Йозо шўлышан У ий пайремым чылан вученна. Морко район Арын школышто тунемше да «Сескем» кружокыш коштышо йоча-влак дене «Салтаклан серыш» всероссийский акцияш ушненна. Украинаштыште эртаралтыште спецоперацияш кайыше салтак-шамычлан саламлыме серышым возенна (снимкыште). Тек йоча-влакын поро тыланымашан серышышт элым аралыше-шамычын чоныштым ырыктат.

О.А.ВАСИЛЬЕВА.



Фотом школ архив гыч налме.

Маскаиге йомын

Йомак



– Тый от пале, кушто Маскаиге? У ийлан пөлекым ямдылыман, а тудо йомын, – ойла Мераниге.

– Ом пале, мыйын шкемынат пашам шуко, – манеш Ёрш да чонештен кая.

Мераниге öрын, Маскаигым кушто кычалаш – ок пале.

У ий толын шуын. Мераниге шольо-шўжарже-влак дене

пырля чодыра покшелне кожым сөрастарен, пайремым тўналаш ямдылалтын. Трук Шоншо кудал толеш.

– Мераниге, тыйын йолташетым муынам. Тудо мыйын пыжашыпкем пурен возын да копажым шупшын мала, – шўлешт-шўлешт ойла Шоншо.

– Эх, калтак! Сылне пайремым ужде лиеш, маленак кодеш, – ойгыралта Мераниге, но лишыл йолташжым помыжалтараш чамана.

– Мераниге изай, айста У ий пайремнам видеошко войзена. Шошым, Маскаиге кынелмеке, тудлан ончыктена. Келшеда? – ойым пуа Ур.

– Келшена-а-а! – уло йўкын кычкыралыт Ур, Ёрш, Шоншо да чодырасе моло янлык. Кож йыр шогалын, весела пайремым тўналыт.

Н.ТОКТАРОВА.

Сўретым интернет гыч налме.

2023 ийлан йоча гороскоп


Шорык (21.03-20.04)

Тыматле, поро кумылан, шкевудя пашам ышташ йората. Куштылго огул пашаланат мутым кучен кертеш. Тудлан ўшанах лиш. Тений усталыкше утларак почылтеш. Ача-авалан тидым жапыштыже ужын шуктыман.



Презе (21.04-20.05)

Шуко у йолташым вашлиеш. Нуно түрлө койыш-шоктышан улыт, ондален кертят. Түткө лийман, эскерыман. Кумылжо чүчкыдын вашталтеш. Ик верыште шинчаш ок йорате. Чонлан келшыше кружокыш але секцийыш возалтман.



Йыгыр (21.05-21.06)

Ум пален налаш, түрлө йодышым пуаш йората. Кечын кушкеш, вянгеш. Шонымашыже иканаште ок шукталт гын, сырен, кычкырен кертеш. Шкем кучаш тунемман.



Рак (22.06-22.07)

Поро кумылан, шыма. Шке тагашыже-влак дене кылым кучен мошта. Южгунам пеш шонкалышын, кумылдымын коеш. Йоча пагытышке уэш пörтылташ манын, ача-авалан пырля модман.



Лев (23.07-23.08)

Пеш весела. Мыскарам ышташ йората, йолташыже, лишыл егже-влакын кумылыштым нолта. Тудым чылан пагалат. Сайым да удам чылаж годым ойырен огеш мошто. Түткө лийман, түрлө азапыш логалын кертеш.



Ўдыр (24.08-23.09)

Түрлым шонен лукташ йората. Тений ойлымашым, йомакым, почеламутым возаш кумылжо утларак лектеш. Юнкор але сылнымут кружокыш возалтман. Кеч-могай пашам шке семынже ышта. Ача-авалан тореш лийман огул.



Виса (24.09-23.10)

Утыждене чолга. Лыпландарыше модыш дене чүчкыдынрак модман. Ўстембал модыш келшен толеш. Зоопаркыш еш дене миен толаш лиш. Сылне семым йората. Тений мураш але семүзгар дене шокташ тунемман.



Скорпион (24.10-22.11)



Шонымашыже ятыр, но чүчкыдын вашталтеш. У пашалан тунемнеже, кугыен гай лийнеже. Шинчымашыжым келгемдынеже. Кидышкыже энциклопедийым чүчкыдын налеш. Ача-авалан түткө лийман. Икшывым умылыман.


Пикшызе (23.11-21.12)

Чыла ег дене кылым кучынеже, палыме лийнеже, чыла палынеже. Йолташыже-влакым мөнгө чүчкыдын ўжеш. Ача-ава дене пырля пайремышке, унала, паша верышке кайынеже. Тореш лийман огул, шкем чаткан кучаш туныктыман.



Ирказа (22.12-20.01)

Койыш-шоктышыжо сай могырыш вашталтеш. Утларак чолга лиш, мероприятия ден конкурслашке чүчкыдынрак ушнаш тўналеш. Ача-ава дене кылже пенгыдемеш. Яндар южышто лияш йората.



Вўд йоктарыше (21.01-20.02)

Спортлан шўмангеш, тагасымашлаште сенгышыш лектеш. Тўрлө кундемышке миен толаш йон лиш. Йот эллаесе тўвырам шымлаш тўналеш. Книгагудышко чүчкыдын коштеш, энциклопедийым шергалаш, видеом ончаш кумылан.



Кол (21.02-20.03)

Техникылан шўман кушкеш. Компьютерыште түрлө программе дене пашам ышташ йората. Ончыкылык профессийже нерген шона. Программирований але робототехнике дене кылдалтше кружокыш кайыман.





Фотом йочасадын архивше гыч нэмме.

Токтарсола йочасадыш коштшо ўдыр-рвезе-влак (снимкыште) У ий пайремын толмыжым изин-кугун вученыт. Мераңын але Кроликын идалыкшым вашлияш чот тыршенит. Кажныже, тўрлө йоным кучылтын, мөнтгө гыч кужывылышым ыштен конден. Ончалза, ача-ава-влак дене пырля ыштыме мераң-шамыч могай мотор улыт!

Т.СОЛОВЬЕВА.

У ий пөлек

Кўпчыкым, талингам, көршөк пеледышым, изи сувенирым, брелокым, сўретым, пырысан, кроликан тўрлө сорастарышым, талисманым пөлек шотеш кучыкташ лиш.




Авторын фотожо.

Йочасаднам У ий шўлыш авалтен. Уремыште кожым тўшкан сорастаренна. Икшыве-влак у идалыкын озажым, мераңым, ыштеныт (снимкыште). Кө гын кожым, луман пөртым, лумъеным, пижгомым ямдылен. Кажныже ойыртемалтше, мотор да кумылым савыршыше.

И.СЕМЁНОВА.

Медведево, Новый посёлко.

Радам дене ошкылын, могай мут лектеш!



Вера КУВШИНОВАН сўретше. Волжский, Сотнур.

У ий пайрем деч вара Йўштгө Кугыза ден Лумўдыр малаш возыныт.

Кугызай 16 шагатат 38 минут мален, Лумўдыр – 6 шагатат 46 минутлан шукырак.



Лумўдыр мыняр шагат мален?

У Торъял район.

Лум велеш, ах, лум велеш,
Да мардежше пуалеш.
Чодыра шыпак мала,
Омымат ужеш ала?

Карина ГОРДЕЕВА.
Параньга, Матародо.

Тушто

Йол йымалнем тунар
тылзе шўдыр йўла – шотленат от пытаре.

ЯНВАРЬ		М.Шкетан лумеш Марий кугыжаныш драме театр	
2 шч	18:00 ТОРЕШВАТЕ Комедий /Укрошение строптивой	Х. Шекспир	2 ш. 30 м.
3 кш	18:00 КИТАЙ КУВА Комедий /Китайская бабушка	А. Богачева	2 ш.
4 вр	18:00 ЎДЫР ТАНГЛАН САЙ ПЕЛАШ Комедий /Три красавицы	В. Красногоров	1 ш. 45 м.
5 чт	16:00 БЕЗ СЛЁЗ НЕ ВЗГЛЯНЕШЬ Монспектакль /На русском языке	М. Апраксина	1 ч. 15 м.
5 из	18:00 ШУДЫРАН ТАТ Комедий /Забавный час по местному времени	Гор Николаев	2 ш. 30 м.
6 кг	18:00 ОЙ, МИЧУ!. ОХ, ЗИНА!.. Музыкальный драме	А. Мокеев	1 ш. 50 м.
7 шм	16:00 АВА КАПИТАЛ Комедий /Материнский капитал	В. Матвеев	2 ш.
20 кг	18:00 ТЕРГЫШЕ Комедий /Ревизор	Н. Гоголь	3 ш.
21 шм	16:00 ЙЫВАН КЫРЛА. ПУТЁВКА В ЖИЗНЬ Документальный драме	С. Пектеев	1 ш. 30 м.
27 кг	18:00 ЙӖРАТЫМАШЫН АКШЕ Комедий /Цена любви	В. Пектеев	2 ш. 10 м.

КАССЕ (8362) 78-13-78

УЧРЕДИТЕЛЬ-ВЛАК: Марий Эл Республикысе культуыр, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № Ту52-01335, 2021 ий 29 сентябрьыште пуымо.

0+

Печатьыш пуымо жап – 14-00, фактически – 13-00

Авторын да редакцийын шонымышт тўрлө лийын кертыт. Серыш-влак мөнгеш огыт колталт. Ак – кутырен келшыме почеш.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20-шо пөрт. Тел. 8(8362) 45-22-82(факс).

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdeliiy.pf

Тиде модыш дене коктын але шукырак модаш лиш. Кубикым кудалтыза, тушто мынар точка, тунар ошкыл. Финишш кө эн ондак миен шуэш — тудо сөнгыше.

- Черетым весылан пу.
- Ик гана кошт.
- Кум онгылан ончыко кай.
- Кок онгылан шенгеке чакне.



Нерым шулпшын малат.

Кролик-влак 150 тусан лийыт.

Ик шагатыште 56 километрым кудалын кертгыт.

17 тужем тамым шижыт.

Икмынар йукым луктыт.

СТАРТ

ФИНИШ

